

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
SLUŽBA ZA PRIVREDU, FINANSIJE/FINANCIJE
I RAZVOJ PODUZETNIŠTVA

INFORMACIJA
o stanju u oblasti poljoprivrede
na području općine Maglaj

IZRADILA:
Služba za privredu, finansije/finansije
i razvoj poduzetništva

Maglaj, decembar 2024. godine

INFORMACIJA poljoprivreda u 2024. godini

Jedan od razvojnih ciljeva Općine Maglaj je i razvoj poljoprivrede i proizvodnja zdrave hrane, jer je općina Maglaj područje sa dominantno ruralnim stanovništvom u kojoj se veliki broj stanovnika već bavi određenim vidovima poljoprivredne proizvodnje, budući da posjeduje poljoprivredne resurse i dobro očuvan okoliš.

Na području naše općine u posljednje vrijeme primjetan je razvoj agrara u različitim sektorima poljoprivredne proizvodnje, zahvaljujući uspostavi Registra poljoprivrednih gazdinstava (RPG) i Registra klijenata (RK), koje su dobra baza podataka i temelj koji daje mogućnost usmjeravanja razvoja poljoprivrede po sektorima. Shodno navedenom prepoznati su osnovni sektori u poljoprivredi koji su najperspektivniji na našem području i u kojima se može ostvariti dobar prihod, a samim tim biti konkurentan na tržištu.

Glavne grane poljoprivredne proizvodnje koje su u kontinuitetu prisutne i ostvarive na našim prostorima, i koje predstavljaju u većini slučajeva i osnovni izvor prihoda na poljoprivrednim gazdinstvima su: proizvodnja sirovog kravljeg mlijeka, farme-uzgajivači i proizvodnja mesa, meda, proizvodnja voća i povrća, žitarica i krmnog bilja i uzgoj ovaca

Jedno od rješenja problema nezaposlenosti trebalo bi biti ulaganje u poljoprivrednu proizvodnju. Mogućnosti koje pruža neiskorišteno ili nedovoljno iskorišteno poljoprivredno zemljište, a koje nije kontaminirano mineralnim gnojivima i pesticidima otvaraju šansu da poljoprivreda postane generator novog zapošljavanja i povećanja prihoda domaćinstava.

Zahvaljujući novčanim sredstvima koja su opredjeljena iz Budžeta/Proračuna Općine Maglaj namjenjena subvencijama i projektima iz oblasti poljoprivrede, i sredstvima opredjeljenim za poljoprivredu u kantonalnim i federalnim budžetima/proračunima, trenutni pokazatelji razvoja poljoprivrede na području općine Maglaj su zadovoljavajući s obzirom na postojeću ekonomsku situaciju.

Ovakvom stvaranju pretpostavki za bolji razvoj u oblasti poljoprivredne proizvodnje uveliko doprinosi angažman Službe za privredu, finansije/finansije i razvoj poduzetništva Općine Maglaj, kroz savjetodavno – stručne i pravovremene informacije o raznim vidovima podrške i novčanih poticaja kako od strane Kantona i Federacije, tako i od strane raznih agencija, međunarodnih organizacija i fondova koji podržavaju poljoprivrednu proizvodnju.

Stalnom prisutnošću na terenu i u direktnim kontaktima sa poljoprivrednicima, njihovim udruženjima i zadrugama, a uz podršku općinskog Budžeta u dijelu subvencija, stvorio se jedan pozitivan ambijent i atmosfera za ozbiljniji način poljoprivredne proizvodnje. Usvajanjem novih metoda i tehnologija rada, podiže se poljoprivredna proizvodnja na viši nivo, a time se jača finansijska moć poljoprivrednih domaćinstava.

Zapažanja Službe kroz naše dosadašnje kontakte je da sve veći broj poljoprivrednika počinje ulagati u poljoprivrednu infrastrukturu (poljoprivredna mehanizacija, priključci, alati, objekti u poljoprivredi i legalizacija istih, nabavka plastenika, podizanje novih nasada, edukacije i sl.) u želji da im poljoprivredna djelatnost postane u pravom smislu životno opredjeljenje kao mali porodični biznis. Ovakav pozitivan trend je rezultat podrške koju poljoprivredni proizvođači imaju u posljednje vrijeme od strane Općine Maglaj i Općinskog vijeća u dijelu odobravanja finansijskih sredstava za subvencioniranje i podrške u poljoprivrednoj proizvodnji.

Zbog zadržavanja pozitivnog trenda potrebno je da se novčane podrške iz Budžeta/Proračuna Općine Maglaj postepeno povećavaju kako bi se uvele nove proizvodnje za podršku ili da se održe na nivou dosadašnjih izdvajanja za poljoprivredu, sa prioritetima koji su navedeni u Strategiji razvoja općine Maglaj za period 2021-2027. godina.

Sa podizanjem poljoprivredne proizvodnje na viši nivo reflektiraju se višestruke koristi za lokalnu zajednicu:

- Jača se lokalno poljoprivredno domaćinstvo;
- Smanjuje se broj nezaposlenih sa evidencije Zavoda za zapošljavanje;
- Smanjuje se pritisak na Budžet/Proračun u dijelu novčane podrške socijalno ugroženih kategorija stanovnika;
- Povećava se broj obrađenih poljoprivrednih površina;
- Osigurava se snabdijevanje stanovništva i lokalnih trgovina, firmi i sl. domaćim lokalnim i jeftinijim proizvodima;
- Stvara se ambijent za razvoj privatnog poduzetništva u okviru poljoprivrednih gazdinstava.

Gledajući globalno poljoprivredna proizvodnja ne može osigurati posao za sve ili većinu nezaposlenih, ali sigurno može doprinijeti porastu zapošljavanja u kraćem periodu. Ruralno područje općine Maglaj karakterizira usitnjena agrarna struktura i manji broj stoke po jednom gazdinstvu, sa orijentacijom u proizvodnji uglavnom na zadovoljavanje potreba vlastitog domaćinstva. Tržišni viškovi se prodaju na pijacama ili se predaju registriranim otkupljivačima po unaprijed ugovorenim cijenama otkupa.

Kada je u pitanju poljoprivreda na području općine Maglaj, u skladu sa usvojenim Programom podrške poljoprivrednoj proizvodnji na području općine Maglaj u 2024. godini, najviše se pažnje posvećuje:

- proizvodnji sirovog kravljeg mlijeka,
- plasteničkoj i stakleničkoj proizvodnji povrća,
- proizvodnji krastavaca kornišona,
- proizvodnji kukuruza (silažnog i merkantilnog),
- proizvodnji aronije i borovnice,
- proizvodnji bundeve za koštice,
- uzgoju rasplodne stoke - ovce (potomstvo - jagnjad),
- proizvodnji konzumnih jaja,
- pčelarstvu (proizvodnja meda),
- proizvodnji jagodičastog voća,
- proizvodnji gljiva šampinjona i bukovača,
- sufinansiranju projekata – programa iz oblasti poljoprivrede, edukativna putovanja i organizirani posjeti sajmovima,
- nabavka plastenika,
- nabavka mehanizacije.

Od ove 2024. godine, kroz Program podrške poljoprivrednoj proizvodnji na području općine Maglaj, predviđena je i podrška za zasnivanje novih zasada voća.

U analizi prijava poljoprivrednih proizvodnji na području općine Maglaj, uočeno je da se proizvodnja povrća u zatvorenom prostoru povećava i predstavlja jednu od dugoročno najprofitabilnijih sektora u poljoprivrednoj proizvodnji. Danas na području općine Maglaj imamo 10 poljoprivrednih proizvođača koji imaju zasnovanu proizvodnju u plastenicima na

površini od 500 do 2.100 m² dok je stočarska proizvodnja u fazi ukрупnjavanja odnosno razvijaju se pojedinačne farme registrovane kao obrti u proizvodnji sirovog kravljeg mlijeka koje imaju od 10 do 50 muznih grla, a od proizvođača junećeg mesa važno je napomenuti da na području općine Maglaj imamo oko 30 - ak farmi koji u turnusu uzgoje od 5 do 30 tovljenika. Većina tih uzgajivača uglavnom ima ugovoren otkup mesa sa klaonicama po tržišnim cijenama mesa koje su na stanju u momentu otkupa.

Uzgoj rasplodne stoke (ovce) se znatno proširuje na području naše općine koje se uzgajaju uglavnom na vlastitim ili zakupljenim posjedima. Farmeri koji imaju 50 i više ovaca u stadiu po jednom poljoprivrednom proizvođaču imamo 12 farmera, od kojih 6 imaju registriran obrt i koji stalno povećavaju brojno stanje grla i svi su pod kontrolom JP „Veterinarska stanica“ d.o.o. Maglaj. Nemamo informacija da se vrši nomadenje ovaca sa područja drugih općina što nas ohrabruje da ne dolazi do pojave zarazne bolesti bruceloze. Isto tako važno je napomenuti da veliki problem u ovčarstvu u zadnje vrijeme predstavljaju nekontrolisani napadi pasa lutilica na stada usljed čega se pričinje velike štete nad istim. Poduzete su mjere uspostave i izgradnje azila za pse lutilice od strane JP „Veterinarska stanica“ d.o.o. Maglaj, te na taj način zaštićeni su sami psi, a bit će otklonjene štetne posljedice koje psi lutilice nanesu ljudima i stoci.

Kada je u pitanju proizvodnja meda, na našoj općini što se tiče broja košnica procjenjuje se brojka od oko 3.000 košnica, što se odnosi na organizirano i amatersko pčelarenje. Organiziranim pčelarenjem se smatra onaj poljoprivrednik koji ima 20 pčelinjih društava i više, koji se bavi komercijalnom proizvodnjom meda, a takvih ima oko 50. Ostalo su domaćinstva koja imaju do 20 košnica za vlastite potrebe. Većina pčelara su članovi Udruženja pčelara „Maglaj“ koje djeluje i radi na našem području, preko kojeg pčelari mogu ostvariti i poticajna sredstva koja se izdvajaju iz Federalnog i Kantonalnog budžeta.

Kako je kukuruz jedna od glavnih žitarica koja se koristi u prehrani stoke, dosta je zastupljen i na našim oranicama. Bilo da se koristi za proizvodnju silaže ili merkantilnog zrna neizbježan je sastavni dio dnevnog obroka i kompletiran je sa uzgojem stoke. Kako je proizvodnja stočne hrane poskupila zbog rasta cijena goriva, a samim tim i sjemena, mineralnih gnojiva i zaštite, dešavale su se intervencije vladinog sektora u vidu subvencije poljoprivrednih proizvođača kako bi se stvorio konkurentniji primarni proizvod od esencijalnog značaja za ljudsku ishranu kao što su meso i mlijeko. Stoga je Općina Maglaj i ove godine uvrstila u ukupni poticaj poljoprivredne proizvodnje i poticaj za sjetvu kukuruza od 20 KM/đunumu i to za poljoprivrednike koji su zasijali 10 đunuma kukuruza (silažni i merkantilni) i više na vlastitom ili zakupljenom zemljištu na području općine Maglaj.

Također, bitno je napomenuti da u navedenom periodu općina Maglaj bilježi rast broja poljoprivrednih obrta i registrovanih poljoprivrednih gazdinstava, i ukupno je registrirano 63 poljoprivredna obrta.

Referent za poljoprivredu u 2024. godini, bio je u stalnoj vezi sa kantonalnim i federalnim ministarstvima kada su u pitanju predmeti koji se odnose na upis u:

- Registar poljoprivrednih gazdinstava (RPG),
- Registar klijenata (RK),
- Registar pčelara,

isti su kompletirani i unešeni u softversku aplikaciju koja je postavljena od strane Federalnog ministarstva za poljoprivredu, vodoprivredu i šumarstvo i koji kontrolišu i prate unos podataka a ostali predmeti su za izdavanje Rješenja za odobrenje smještaja pokretnih pčelinjaka sa područja drugih općina na područje općine Maglaj, izrada vodnih akata, slanje redovnih

izvještaja za Federalni zavod za statistiku te ostali akti i dopisi koji su vezani za oblast poljoprivrede i vodoprivrede.

Broj predmeta koji se posebno zavode na Protokolu Općine kroz knjigu osobne pošte je 657 i odnose se na redovito ažuriranje podataka u Registru poljoprivrednih gazdinstava (RPG) i Registru pčelara, zahtjevi za poticaj u primarnoj poljoprivrednoj proizvodnji a po objavljenom Javnom pozivu od Općine Maglaj, dostava podataka o otkupljenim količinama mlijeka te ostali akti koji su vezani za oblast poljoprivrede i vodoprivrede.

Po zahtjevima stranaka izdaju se potvrde u svrhu:

- prijava na Javne pozive,
- ostvarivanje poticaja u poljoprivrednoj proizvodnji,
- prodaje viška vlastitih poljoprivrednih proizvoda na pijaci,
- u svrhu uvoza poljoprivrednih mašina i priključaka, mehanizacije,
- za podizanje kredita kod mikrokreditnih organizacija za pospješivanje poljoprivredne proizvodnje,
- potvrde iz Registra pčelinjaka u svrhu obilježavanja pčelinjaka i selidbe pčelinjih društava na druga područja,
- liste korištenja na posjedima i liste stoke,
- P1 i Z1 obrazci za prijave na Javne pozive i poticaje nadležnog Federalnog i Kantonalnog ministarstva za poljoprivredu, šumarstvo i vodoprivredu.

U navedenom vremenskom periodu primane su stranke kojima su davani stručni savjeti iz oblasti poljoprivredne proizvodnje, upućivane su na određene radnje koje moraju izvršiti kako bi zadovoljili kriterije koji su potrebni za ostvarivanje federalnih i kantonalnih poticaja, a koji su propisani Pravilnikom, Programom i Uputstvom, koje je izdalo Federalno i Kantonalno ministarstvo za poljoprivredu, šumarstvo i vodoprivredu, kao i zahtjevi za općinski poticaj i za prijavu na Javne pozive.

Također zaprimani su zahtjevi sa ukupnom dokumentacijom koja je potrebna za ostvarivanje poticaja u svim segmentima poljoprivredne proizvodnje, te pregledani i sa popratnim aktom poslani nadležnim ministarstvima.

U navedenom periodu rješavano je po zahtjevu podnositelja zahtjeva za izdavanje vodnih akata:

- prethodna vodna saglasnost,
- vodna saglasnost, i
- vodna dozvola,

primjenjujući:

- Zakon o vodama („Službene novine Federacije BiH“, broj 70/06),
- Zakon o vodama Zeničko-dobojskog kantona („Službene novine Ze-do kantona“, broj 17/07) i
- Pravilnik o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15).

Važno je napomenuti da je oblast izdavanja vodoprivrednih akata izuzetno osjetljiv i kompleksan posao, i radi se o složenim upravnim postupcima. Od kada je inženjer

agronomije/poljoprivrede u novembru 2017. godine napustio organ Općinu Maglaj, nemamo odgovarajuću osobu koja bi obavljala ove poslove.

Redovito je komunicirano sa resornim federalnim i kantonalnim ministarstvom za poljoprivredu, šumarstvo i vodoprivredu, a vezano za primjenu zakonskih propisa, i to:

- Zakona o poljoprivredi,
- Zakona o vodama,
- Zakona o poljoprivrednom zemljištu,
- kao i ostalih zakonskih i podzakonskih akata koji uređuju oblast poticaja u poljoprivrednoj proizvodnji,

a sve radi pravilnog provođenja istih.

Održavani su sastanci sa predstavnicima udruženja građana poljoprivrednih proizvođača i zemljoradničkih zadruga, sa ciljem njihovog uvezivanja i poslovne saradnje, kao i zajedničkog rješavanja problema u oblasti primarne poljoprivredne proizvodnje.

U izvještajnom periodu vršeno je:

- redovno primanje stranaka poljoprivrednih proizvođača,
- rad u stručnim i općinskim komisijama,
- tekući poslovi, kao i
- poslovi po nalogu rukovodioca Službe i Općinskog načelnika, i to razne odluke, odgovori na vijećnička pitanja, dopisi, terenski poslovi, organizacija prezentacija projekata u poljoprivredi.

Registar poljoprivrednih gazdinstava (RPG) i Registar klijenata (RK) i Registar pčelara

Federalno ministarstvo poljoprivrede, vodoprivrede i šumarstva otpočelo je još 2009. godine sa realizacijom projekta „Registar poljoprivrednih gazdinstava (RPG) i Registar klijenata (RK)“. Cilj ovog projekta je sačinjavanje jedinstvene baze podataka poljoprivrednih gazdinstava čiji su podaci osnova za predviđanje sredstava koja se izdvajaju za poticaje poljoprivredne proizvodnje na nivou cijele države.

Ukupan broj poljoprivrednih gazdinstava upisanih u Registar RPG i RK na području općine Maglaj na dan 30.09.2024. godine je 1.393, i u odnosu na 2023. godinu je 22 upisa više. Od strane Federalnog ministva poljoprivrede vrši se kontinuirano usklađivanje aktivnih i neaktivnih RPG i RK.

Broj predmeta za ažuriranje podaka u 2024. godini u Registru poljoprivrednih gazdinstava (RPG) je 342. U Registru pčelara je 89 upisanih za 5 više nego u 2023. godini, broj ažuriranih predmeta u Registru pčelara je 64 te je izdano 75 potvrda o upisu u Registar koje se izdaju u svrhu:

- prijava na Javne pozive,
- prodaje viška vlastitih poljoprivrednih proizvoda na pijaci,
- uvoza poljoprivrednih mašina,
- podizanja kredita kod mikrokreditnih organizacija za pospješivanje poljoprivredne proizvodnje
- regulisanja poticaja u primarnoj poljoprivrednoj proizvodnji,

- obilježavanju pčelinjaka i
- selidbe pčelinjih društava na druga područja.

Podaci već unešenih obiteljskih poljoprivrednih gazdinstava odnosno klijenata se trebaju redovito ažurirati najdalje do 31.03. svake godine, a svaka promjena na poljoprivrednom gazdinstvu se treba prijaviti najdalje 30 dana od dana promjene, tako da je rad na aplikaciji konstantan i redovit, te traje tokom cijele godine.

Unos podataka svih poljoprivrednih gazdinstava i dalje teče shodno podnesenim zahtjevima.

Poticaji u primarnoj poljoprivrednoj proizvodnji od strane Općine Maglaj

Općina Maglaj je u prethodnom periodu izdvajala znatna sredstva u Budžetu/Proračunu koja su bila opredjeljena za razvoj poljoprivrede i uglavnom su bila utrošena za poticaj u primarnoj poljoprivrednoj proizvodnji.

Poticajna sredstva se prvenstveno usmjeravaju na poticaj poljoprivrednim gazdinstvima koja su u svom radu postizala značajne rezultate u cilju:

- stvaranja i proširenja obiteljskih gospodarstava i obrta,
- jačanja poljoprivrednih Zadruga i Udruženja čiji članovi doprinose cjelokupnom razvoju poljoprivrede i razvoju ruralnih područja općine, pokrivanje troškova organizovanog odlaska na sajam i razvoju ruralnog dijela općine Maglaj
- novčana pomoć JP „Veterinarska stanica“ d.o.o. Maglaj u svrhu zdravstvene zaštite životinja, itd.

Poticaji su se izdvajali planski u skladu sa usvojenim „Programom poticaja razvoja poljoprivrede na području općine Maglaj za 2024. godinu“, koji svake godine usvaja Općinsko vijeće Maglaj.

Kako je na našoj općini jedan od najzastupljenijih, i za ljudsku ishranu esencijalnih sektora poljoprivrede stočarstvo i proizvodnja sirovog kravljeg mlijeka, tako su i sredstva davana za tu vrstu proizvodnje.

Za tu namjenu Odlukom Općinskog načelnika, a na temelju dostavljenih ovjerenih spiskova otkupa mlijeka, dostavljenih od strane registriranih otkupljivača, izdvojeno je individualnim poljoprivrednim proizvođačima po 0,10 KM za svaku litru predanog sirovog kravljeg mlijeka, a koji su predali mlijeko registriranom prerađivaču:

- Mliječnoj industriji „MI99“ d.o.o Gradačac, i
- Zeničkoj industriji mlijeka „ZIM“ d.d. Zenica.

Proizvodnja sirovog kravljeg mlijeka

Proizvodnja sirovog kravljeg mlijeka (0,10 KM/litru proizvedenog sirovog kravljeg mlijeka) po kvartalima - obračunava se po dostavljenim tabelarnim prikazima od strane registrovanih otkupljivača „MI99“ d.o.o Gradačac i "ZIM" d.d. Zenica.

R.Br.	Proizvodnja sirovog kravljeg mlijeka	Ukupno litara	KM/litar	Iznos (u KM)
1.	I kvartal 2024.godine	208.283	0,10	20.828,30
2.	II kvartal 2024.godine	215.581	0,10	21.558,10
3.	III kvartal 2024. godine	188.382	0,10	18.838,20
UKUPNO:		612.246	0,10	61.224,60

Poticaji za navedenu proizvodnju se isplaćuju kvartalno, a sve zbog obračunavanja zadnjeg kvartala proizvedenog mlijeka u tekućoj godini koji završava sa datumom 31. decembrom tako da će se ukupna količina proizvedenog sirovog kravljeg mlijeka u 2024. godini znati poslije ovog perioda.

Dana 24.06.2024. godine Općinski načelnik objavio je 7 (sedam) javnih poziva za ostvarivanje novčane podrške na području općine Maglaj za slijedeće poljoprivredne proizvodnje:

1. Proizvodnja aronije i borovnice

Pravo na poticaj imali su poljoprivredni proizvođači koji su zasnovali proizvodnju na zasadima aronije i borovnice od 1 dunuma i više.

Visina poticaja iznosi 100,00 KM/dunum.

Ukupan broj podnesenih zahtjeva 9, pod površinom od 17,7 dunuma.

Poljoprivredni proizvođači fizička lica- 8 zahtjeva / 16,7 dunuma	Iznos 100,00 KM/dunumu
Iznos sredstava za poticaj (16,7*100,00)	1.670,00 KM
Poljoprivredni proizvođač-Obrt 1 zahtjev/ 1 dunum	Iznos 100*koef 1,2
Iznos sredstava za poticaj (1*100*1,2)	120,00 KM
UKUPNO	1.790,00 KM

2. Proizvodnja krastavaca kornišona

Pravo na poticaj imali su poljoprivredni proizvođači koji su zasnovali proizvodnju krastavaca kornišona na površini od 0,5 dunuma i više.

Visina poticaja za površinu od 0,5 – 1 dunuma se množila sa koeficijentom 1 (jedan), a za površine preko 1 dunuma zasadene površine se množe sa koeficijentom 1,25.

Iznos poticaja je 100,00 KM/dunum.

Ukupan broj podnesenih zahtjeva je 17, pod površinom od 17 dunuma

Površina do 1 dunuma - 12 zahtjeva / 12 dunuma	Iznos 100,00 KM/dunumu
Iznos sredstava za poticaj fiz. lica (12*100,00)	1.200,00 KM
Poljoprivredni proizvođač-Obrt 5 zahtjeva/ 5 dunuma	Iznos 100*koef. 1,2
Iznos sredstava za poticaj (5*100*1,2)	600,00KM
UKUPNO	1.800,00 KM

3. Proizvodnja bundeve za koštice

Pravo na podršku u ovoj proizvodnji imali su poljoprivredni proizvođači koji su zasnovali poljoprivrednu proizvodnju na zasadima bundeve za koštice, od 1 dunuma i više.

Visina poticaja za navedenu proizvodnju je iznosila 100,00 KM/dunumu zasadene površine
 Ukupan broj podnesenih zahtjeva je 13, pod površinom od 30 dunuma

Poljoprivredni proizvođači fizička lica 12 zahtjeva 25 dunuma	Iznos 100 KM/dunumu
Iznos sredstava za poticaj (25*100,00 KM)	2.500,00 KM
Poljoprivredni proizvođač - Obrt 1 zahtjev/ 5 dunuma	Iznos 100*koef. 1,2
Iznos sredstava za poticaj (5*100,00*1,2)	600,00 KM
UKUPNO	3.100,00 KM

4. Uzgoj rasplodne stoke - ovce (potomstvo - jagnjad)

Pravo na poticaj imali su poljoprivredni proizvođači koji se bave uzgojom rasplodne stoke – ovce koji u vlastitom uzgoju imaju minimalno obilježeni 50 ovaca.

Visina poticaja iznosila je 3,00 KM/jagnje

Ukupan broj podnesenih zahtjeva 13, broj grla jagnjadi je 1.235

Poljoprivredni proizvođači fizička lica: 7 zahtjeva 658 grla	Iznos 3,00 KM/grlo
Iznos sredstava za poticaj (658*3,00 KM)	1.974,00 KM
Poljoprivredni proizvođač - Obrt 6 zahtjeva 577 grla	Iznos 3,00 * koef 1,2
Iznos sredstava za poticaj (577*3,00 * 1,2)	2.077,20 KM
UKUPNO	4.051,20 KM

5. Proizvodnja kukuruza

Pravo na poticaj imali su poljoprivredni proizvođači koji su zasnovali proizvodnju kukuruza (merkantilni ili silažni) na vlastitom zemljištu i/ili zemljištu zakupljenom od strane drugih lica na području općine Maglaj, na minimalnoj površini od 1 ha (10 dunuma).

Podrška za navedenu proizvodnju iznosila je 20,00 KM/dunumu.

Za ovu vrstu poticaja su se prijavili poljoprivredni proizvođači koji se bave tovom junadi, svinja i brojlera, a koji istu dokazuju listom stoke iz Registra poljoprivrednih gazdinstava/gospodarstava i Registra klijenata.

Ukupan broj podnesenih zahtjeva je 37, na površini od 823,1 dunuma

Isplaćeno je 16.460,20 KM za ovu vrstu proizvodnje.

6. Pčelarstvo (proizvodnja meda)

Pravo na poticaj su imali poljoprivredni proizvođači pčelari, koji su članovi registriranog Udruženja pčelara sa područja općine Maglaj, i koji imaju najmanje 10 (deset) pčelinjih zajednica/košnica na svom ili zakupljenom imanju.

Visina poticaja je iznosila 12,50 KM/košnici.

Ukupan broj podnesenih zahtjeva 67, broj košnica pčela je 2.379.

Poljoprivredni proizvođači fizička lica: 67 zahtjeva 2233 košnica	Iznos 12,50 KM/košnica
Iznos sredstava za poticaj (2233* 12,50 KM)	27.912,50 KM
Poljoprivredni proizvođač - Obrt 4 zahtjeva 146 košnica	Iznos 12,50 * koef. 1,2
Iznos sredstava za poticaj (146 * 12,50 * 1,2)	2.190,00 KM
UKUPNO	30.102,50 KM

7. Plastenička i staklenička proizvodnja

Pravo na poticaje su imali poljoprivredni proizvođači koji su zasnovali bilo koji vid intezivne biljne proizvodnje (rasadničarstvo, povrtlarstvo, cvječarstvo i dr.) u plastenicima i staklenicima na vlastitom zemljištu i/ili zemljištu zakupljenom od strane drugih lica, na području općine Maglaj.

Poticala se proizvodnja zasnovana u plastenicima i staklenicima na minimalnoj površini od 200 m². Podrška za navedenu proizvodnju iznosila je 1,00 KM/1m² plastenika.

Ukupan broj podnesenih zahtjeva je 59, pod površinom od 25.407 m².

Poljoprivredni proizvođači fizička lica: 43 zahtjeva površina 12.427 m²	Iznos 1,00 KM/m²
Iznos sredstava za poticaj (12.427* 1,00 KM)	12.427,00 KM
Poljoprivredni proizvođač - Obrt 16 zahtjeva površina 12.980 m²	Iznos 1,00 * koef. 1,2
Iznos sredstava za poticaj (12.980 * 1,00 * 1,2)	15.576,00 KM
UKUPNO	28.003,00 KM

Svih 7 (sedam) objavljenih javnih poziva su trajali do 26.07.2024. godine, nakon čega je izvršena kontrola prijave, izlazak na teren, i konačan zbir poljoprivredne proizvodnje po objavljenim pozivima, a sredstva po određenom koeficijentu 1,2 su isplaćena na račune poljoprivrednih proizvođača kod komercijalnih banaka.

Dana 17.09.2024. godine Općinski načelnik objavio je 7 (sedam) javnih poziva za ostvarivanje novčane podrške na području općine Maglaj za slijedeće poljoprivredne proizvodnje:

1. Peradarstvo (proizvodnja konzumnih jaja)

Pravo na poticaj su imali poljoprivredni proizvođači konzumnih jaja sa područja općine Maglaj koji svoju djelatnost obavljaju kao registrovani obrt – srodna djelatnost.

Visina poticaja za ovu vrstu proizvodnje iznosi 0,15 KM/koki nosilici, broj zaprimljenih zahtjeva je 2.

Peradarstvo - 2 zahtjeva	Iznos 0,15 KM/koki nosilici
Farma i mješaona „KEPIĆ“	5.000 koka
Farma koka nosilja „ Maglajka“	15.000 koka
Iznos sredstava za poticaj (20.000 * 0,15 KM* 1,2 koef.)	3.600,00 KM

2. Proizvodnja gljiva šampinjona i bukovača

Pravo na podršku u ovoj proizvodnji imali su poljoprivredni proizvođači gljiva (šampinjona i bukovača) sa područja općine Maglaj koja su u 2024. godini imali proizvodnju jestivih gljiva za tržište sa ulaganjem u proizvodnji tokom 2024. godine i koji svoju djelatnost obavljaju kao registrirani obrt – srodna djelatnost.

Podrška za ovu vrstu proizvodnje iznosila je 10,00 KM/toni komposta, broj zaprimljenih zahtjeva je 1.

PROIZVODNJA GLJIVA - šampinjoni i bukovače	10,00 KM /toni komposta
Poljoprivredna djelatnost „AGRO ŠAMP“ 99,3 t komposta*10,00 KM *1,2 koef.	
UKUPNO:	1.191,60 KM

3. Proizvodnja jagodičastog voća

Pravo na podršku u ovoj proizvodnji imali su poljoprivrednici koji imaju zasnovanu proizvodnju na zasadima malina, kupina, jagoda i dr.na površini od 1 dunum i više.

Podrška za ovu vrstu proizvodnje iznosila je 0,15 KM/kg, otkupljene količine od strane registriranog otkupljivača.

Broj zaprimljenih zahtjeva za ovu vrstu proizvodnje je 27.

Proizvedena količina po primljenim zahtjevima je 30.767 kg.

Poljoprivredni proizvođači fizička lica- 27 zahtjeva 30.767 kg	Iznos 0,15 KM/kg
Iznos sredstava za poticaj (30.767*0,15 KM)	4.615,06 KM
UKUPNO	4.615,06 KM

4. Nabavka plastenika

Pravo na podršku su imali poljoprivredni proizvođači sa područja općine Maglaj koji su u periodu od 01.09.2023. godine do objave Javnog poziva nabavili nove plastenike površine od 100 m² i više.

Podrška za nabavku iznosila je 10% od ukupne vrijednosti kupljenog, maksimalan iznos podrške je 500,00 KM.

Broj zaprimljenih zahtjeva za ovu vrstu podrške je 5.

PODNOŠIOCI ZAHTJEVA FIZIČKA LICA / OBRTI			
NABAVKA PLASTENIKA			
R.B.	Podnosioc zahtjeva	Iznos kupljenog	Iznos za isplatu 10% od iznosa kupljenog, max. za isplatu 500,00 KM
1.	Poljoprivredna proizvodnja „Marinković“	6.500,00	500,00
2.	Poljoprivredni proizvođač „ Ibrahimović“	6.720,00	500,00
3.	Poljoprivredni proizvođač Bio vrt „Glštenjak“	3.300,00	330,00
4.	Farma „Karabegović“	2.770,40	277,04
5.	Ismeta Šahbaz	3.250,00	325,00
	UKUPNO:	22.540,40	1.932,04

5. Zasnivanje novih zasada voća

Pravo na podršku su imali poljoprivredni proizvođači sa područja općine Maglaj koji su u periodu od 01.09.2023. godine do objave Javnog poziva nabavili sadni materijal za zasnivanje novih zasada voća za minimalnu površinu od 1 dunuma i više.

Podrška je iznosila 10% od ukupne vrijednosti kupljenog sadnog materijala, maksimalan iznos podrške je 500,00 KM.

Broj zaprimljenih zahtjeva za ovu vrstu podrške je 3.

PODNOŠIOCI ZAHTJEVA FIZIČKA LICA / OBRTI			
NABAVKA SADNICA VOĆA			
R.B.	Podnosioc zahtjeva	Iznos kupljenog	Iznos za isplatu 10% od iznosa kupljenog, max. za isplatu 500,00 KM
1.	Samir Alispahić (sadnice kalemljenog oraha)	1.455,50	145,55
2.	Ševal Gračić (sadnice borovnice)	2.136,50	213,65
3.	Mejra Begić (sadnice kalemljenog oraha)	806,00	80,60
	UKUPNO:	4.398,00	439,80

6. Nabavka mehanizacije i priključaka za biljnu proizvodnju

Pravo na podršku su imali poljoprivredni proizvođači sa područja općine Maglaj koji su u periodu od 01.09.2023. godine do objave Javnog poziva u 2024. godini nabavili novu mehanizaciju, priključke za biljnu proizvodnju opremu za pčelarstvo u vrijednosti od 2.000,00 KM i više.

Podrška je iznosila 10% od ukupne vrijednosti kupljenog a maksimalan iznos podrške je 500,00 KM.

PODNOŠIOCI ZAHTJEVA FIZIČKA LICA / OBRTI			
NABAVKA MEHANIZACIJE I PRIKLJUČAKA			
R.B.	Podnosioac zahtjeva	Iznos kupljenog	Iznos za isplatu 10% od iznosa kupljenog, max. za isplatu 500,00 KM
1.	Mušo Spahić	29.989,99	500,00
2.	Ramiz Bašić	6.960,00	500,00
3.	Bahrudin Natić	5.300,00	500,00
4.	Mujo Mahmić	5.480,00	500,00
5.	Adem Mehinagić	2.740,00	274,00
6.	Nermin Hasančić	2.800,00	280,00
7.	Edin Merdić	6.757,40	500,00
8.	Hasan Smajlović	3.200,00	320,00
9.	Muharem Burejić	4.323,00	432,30
10.	Andeško Relota	12.580,00	500,00
11.	Dževad Mujkić	3.200,00	320,00
12.	Nermin Muminović	2.700,00	270,00
13.	Almin Mujaković	4.350,00	435,00
14.	Aldin Bradarić	4.390,00	439,00
15.	PP „Baška“	10.300,00	500,00
16.	MPP „Derviš“	60.606,00	500,00
17.	PP „Agro Strupina“	4.650,00	465,00
18.	PP „Ibro“	5.550,00	500,00
19.	MPP „Iz srca prirode“	33.500,00	500,00
20.	MPP „Bravo“	4.100,00	410,00
21.	MPP „Dina“	2.590,00	259,00
22.	PP „Šahman“	5.800,00	500,00
23.	PP „Mašić“	2.750,00	275,00
	UKUPNO:	224.616,39	9.679,30

7. Sufinansiranje projekata – programa iz oblasti poljoprivrede, edukativna putovanja i organizirani posjeti sajmovima.

Podrška je odobrena zemljoradničkim zadrugama i udruženjima poljoprivrednika s područja općine Maglaj na osnovu vrijednosti apliciranih projekata – programa. Projekti – programi su isključivo vezani za poljoprivrednu proizvodnju i ruralni razvoj.

Jednoj zadruzi ili udruženju je odobreno sufinansiranje samo jednog projekta- programa u oblasti poljoprivrede u visini do 2.000,00 KM.

UDRUŽENJA I ZEMLJORADNIČKE ZADRUGE	
Naziv podnosioca zahtjeva	Iznos po projektu
UDRUŽENJE „AGRO LIJEŠNICA“	2000,00 KM
UDRUŽENJE PČELARA „MAGLAJ“	2000,00 KM
UKUPNO:	4.000,00 KM

Svih 7 (sedam) objavljenih javnih poziva su trajali do 30.09.2024. godine, nakon čega je izvršena kontrola prijave, izlazak na teren, i konačan zbir poljoprivredne proizvodnje po objavljenim pozivima, a sredstva po određenom koeficijentu 1,2 su isplaćena na račune poljoprivrednih proizvođača kod komercijalnih banaka.

„DINEX – COMERC“ d.o.o.

U skladu sa Memorandumom o razumijevanju potpisanog od strane Ureda za koordinaciju projekta (IFAD) – PCU i Općine Maglaj, a kojom je utvrđena međusobna saradnja potpisnika u okviru READP-a, gdje je definisano sufinansiranje aktivnosti u pružanju tehničke i finansijske podrške siromašnim poljoprivrednim proizvođačima u podizanju novih ili proširenju postojećih proizvodnih kapaciteta, Općina Maglaj je bila saglasna da sufinansira odabranih 12 kooperanata sa područja općine Maglaj za nabavku start paketa do 10% njegove ukupne vrijednosti u iznosu od 840,60 KM.

JP „Veterinarska stanica“ d.o.o. Maglaj

Po zaključku Općinskog vijeća Maglaj od 28.03.2024. godine kojim je usvojen „Program utroška sredstava – subvencija JP Veterinarska stanica d.o.o. Maglaj u cilju zbrinjavanja pasa lutilaca za 2024. godinu“, u toku 2024. godine isplaćeno je 30.000,00 KM, takode odobrena su i isplaćena novčana sredstva u iznosu od 3.000,00 KM kao subvencija JP – sufinansiranje rada „Veterinarska stanica“ d.o.o. Maglaj.

Planirana sredstva iz Budžeta Općine Maglaj u 2024. godini za mjere poticaja u poljoprivredi iznose 195.000,00 KM, a zaključno sa danom 02.12.2024. godine isplaćeno je 172.829,90 KM, dok je ostala obaveza isplate IV kvartala za proizvedene količine sirovog kravljeg mlijeka i isti će biti isplaćen po dostavljanju izvještaja o otkupljenim količinama sirovog kravljeg mlijeka od strane organizovanih otkupljivača.

Osim gore navedenih mjera poticaja sa nivoa općine, tu su i poticaji sa kantonalnog i federalnog nivoa koji su usklađeni sa programima poticaja Ministarstva za poljoprivredu Ze-do kantona i

Federalnog ministarstva za poljoprivredu, vodoprivredu i šumarstvo. Služba je bila u stalnoj komunikaciji sa resornim kantonalnim i federalnim ministarstvom za poljoprivredu, šumarstvo i vodoprivredu, kako pismenim tako i elektronskim i telefonskim putem, a vezano za primjenu propisa i to Zakona o poljoprivredi, Zakona o vodama, Zakona o poljoprivrednom zemljištu, kao i ostalih zakonskih i podzakonskih akata koji uređuju oblast poticaja u poljoprivrednoj proizvodnji, a sve radi pravilnog provođenja istih.

Po uputstvu o poticanju Ministarstva za poljoprivredu, šumarstvo i vodoprivredu Ze-do kantona proizvođači u 2024. godini su se prijavljivali ili će se prijaviti do kraja tekuće godine na sljedeće Javne pozive:

1. Podrška za držanje koka nosilja
2. Podrška za registrovane farme muznih grla
3. Podrška za registrovanu ovčarsku i koziju proizvodnju
4. Podrška za poljop. proizv. u plastenicima i staklenicima
5. Podrška za proizvodnju maline i kupine
6. Podrška za proizvodnju krastavca/ kornišona
7. Podrška zasadima jagodičastog voća
8. Podrška za zaslade koštičavog, jabučastog i jezgrastog voća
9. Podrška za proizvodnju gljiva
10. Podrška za nabavku poljoprivredne mehanizacije
11. Podrška za nabavku platenika
12. Podrška projektima u poljoprivredi
13. Podrška projektima iz oblasti pčelarstva
14. Nerealizovani zahtjevi iz predhodnog perioda i pomoć

Po uputstvu o poticanju Ministarstva za poljoprivredu, šumarstvo i vodoprivredu Federacije BiH proizvođači u 2024. godini su se prijavljivali ili će se prijaviti do kraja tekuće godine na sljedeće Javne pozive:

1. Proizvodnja ječma, zobi i tritikala
2. Proizvodnja silažnog kukuruza, graška i grahorice
3. Proizvodnja svježeg kravljeg mlijeka I, II, III i IV kvartal
4. Proizvodnja govedeg mesa – tov junadi od teladi iz domaćeg uzgoja
5. Uzgoj goveda u sustavu krava-tele
6. Uzgoj rasplodne stoke – rasplodnih junica
7. Uzgoj rasplodne stoke (ovce)
8. Uzgoj brojlera
9. Košnice pčela, uzgoj pčelinjih zajednica
10. Investicije u poljoprivredne mašine, priključke i uređaje za biljnu i stočarsku proizvodnju

11. Izgradnja, proširenje i opremanje novih građevinskih objekata u svrhu poljoprivredne proizvodnje
12. Investicije u podizanju trajnih nasada
13. Sufinansiranje uvođenja i certificiranja standarda u poljoprivredi i prehrambenoj industriji
14. Uzgoj rasplodne stoke (ovce) – isplata po žalbama

Podaci o broju predanih zahtjeva i iznosu novčanih sredstava biti će poznati u narednoj godini.

OSTALI PROJEKTI

Federalno ministarstvo raseljenih osoba i izbjeglica (FMROI)

Dana 28.11.2023. godine Federalno ministarstvo raseljenih osoba i izbjeglica (FMROI) je raspisalo Javni poziv za podnošenje prijave za program pomoći održivog povratka „Podrška zapošljavanja/samozapošljavanja u poljoprivredi u periodu 2024 – 2025. godina“.

Predmet javnog poziva je podrška povratnicima u održivom povratku kroz dodjelu sadnog i sjemenskog materijala, opreme, građevinskog materijala i poljoprivrednih mašina na prostoru Bosne i Hercegovine za period 2024.-2025. godine.

Cilj javnog poziva je ekonomsko osnaživanje povratnika i jačanje novih kapaciteta u poljoprivrednoj proizvodnji stvaranjem preduslova za novostvorenu vrijednost.

Programi javnog poziva su:

- Dodjela sadnog i sjemenskog materijala
- dodjela poljoprivrednih mašina, mehanizacije i priključaka;
- dodjela plastenika i staklenika
- dodjela građevinskog materijala za obnovu i izgradnju gospodarskih objekata u poljoprivrednoj djelatnosti.
- Finansiranje i sufinansiranje nabavke opreme za proizvodnju u poljoprivredi (oprema za mljekarstvo, peradarstvo, sušare, hladnjače i sl.)

Izbor korisnika programa po osnovu ovog javnog poziva će vršiti posebna komisija koju imenuje Federalni ministar raseljenih osoba i izbjeglica.

Preliminarna i konačna rang lista po ovom javnom pozivu će biti objavljena na web stranici Federalnog ministarstva raseljenih osoba i izbjeglica.

Federalna direkcija robnih rezervi

Federalna direkcija robnih rezervi iz svojih robnih zaliha obezbjedila je i distribuirala dizel gorivo za poljoprivredne proizvođače sa područja naše općine. Federalno ministarstvo poljoprivrede, vodoprivrede i šumarstva je bilo u obavezi da Federalnoj direkciji robnih rezervi dostavi spisak poljoprivrednih proizvođača sa područja naše općine, koji su ostvarili podršku za biljnu proizvodnju na federalnom nivou (proizvođači silažnog kukuruza), i koji su imali

pravo na ovu mjeru prema usvojenim kriterijima (72,46 litara dizela po hektaru). Dana 26.11.2024. godine izvršena je podijela goriva za sljedeće poljoprivredne proizvođače:

RB	Ime i prezime/Naziv klijenta	Površina po zapisniku (ha)	Količina goriva (litar)
1.	Bahrudin Nalić	4,90	355,42
2.	Ramiz Bašić	3,81	276,42
3.	Zijad Šehić	3,47	251,70
4.	Mirsad Hukić	2,40	173,91
5.	Fahira Mujanović	2,74	198,57
6.	Ahmet Ahmetbegović	5,09	368,88
7.	Farma „Šehić“	14,15	1.025,68
8.	Ibrahim Vočić	2,62	189,68
9.	Farma „Sajo“	3,87	280,43
10.	Adis Bećirović	2,50	181,31
11.	Poljop. proizvođač „Glog“	10,63	770,49
12.	Poljop. proizvođač „Ashen“	6,06	439,44
13.	MPP „Nezir“	9,30	674,22
14.	MPP „Edo“	2,72	197,25
15.	MPP „Bešić“	2,48	179,54
16.	Poljop. proizvođač „Sabo“	8,14	590,06
17.	Poljop. proizvođač „Ibro“	3,58	259,71
18.	Poljop. proizvođač „Salkić“	4,59	332,62
19.	Saša Bajrić	1,82	132,15
20.	Farma „ABA“	3,91	283,58
UKUPNO:			7.161,05

Federalni zavod za poljoprivredu Sarajevo (FZZP)

Predstavnici Federalnog zavoda za poljoprivredu Sarajevo (FZZP) su u toku 2024. godine u više navrata obilazili poljoprivredne proizvođače na području općine Maglaj i vršili poslove stručnog nadzora u oblasti kontrole kvaliteta poljoprivrednih proizvoda, uzročnika biljnih bolesti, kontrolu prisutstva karantenskih i ekonomsko štetnih organizama na proizvodima, sjemenu i sadnom materijalu u unutarnjem prometu i ujedno edukovali vlasnike iz oblasti primjene aktivnosti vezanih za zdravlje bilja.

Navedena informacija obuhvata vremenski period od 01.01.2024. do 02.12.2024. godine i shodno „Programu poticaja u poljoprivrednoj proizvodnji općine Maglaj za 2024. godinu“, realizovat će se preostala vrsta poticaja (proizvodnja sirovog kravljeg mlijeka IV kvartal) do kraja tekuće 2024. godine.

Služba za privredu, finansije/finansije
i razvoj poduzetništva

Maglaj, 02.12.2024. godine



